

Кўз тегиши ҳақида

12:05 / 21.12.2017 4570

Савол:

Халқимиз орасида кенг тарқалган кўз тегмасин ёки кўз тегибди деган иборани кўпчилик ишлатади. Буни тўғри эмас десам ишонишмайди ва кузларига ёмон кўриниб қоламан. Саволим шуки шу нарсани кўриб индамай нотўғри қилишаётганини айтмасам менга гуноҳ бўладими? Аллоҳ таоло сиздан рози бўлсин.

Жавоб:

[Шайх Муҳаммад Содик Муҳаммад Юсуф](#)

Кўз тегиши бор. Ҳадисларда келган.

Ва албатта, кофиirlар Зикрни эшитаётгандарида сени кўзлари билан тойдирмоқчи бўлурлар ва: «Албатта, у мажнундир», - дерлар.

«Эй Пайғамбар! Кофиirlар Қуръонни тинглаётиб, сени ўз назарлари билан йиқитиб юборишни хоҳлайдилар. Шу билан бирга, сени «мажнун» ҳам дейдилар.

«Кўз билан тойдериш»нинг икки хил маъноси бор.

Биттаси – адоват ва душманлик назари билан ҳақ йўлдан тойдериш, адаштириш. Кофиirlар Набий алайҳиссаломга маънавий зарар етказишини хоҳлаганлар.

Иккинчиси – кўз теккизиш билан Набий алайҳиссаломга жисмоний зарар етказиш, у кишини йиқитиш, ҳалок қилиш маъноси.

Бу оятнинг нозил бўлиш сабаблари ҳақидаги ривоятларда айтилишича, мушриклар Қурайш қабиласидан кўзи бор бир кишини олиб келиб, Набий алайҳиссаломга ёмон кўз билан қаратиб, зарар етказмоқчи бўлганлар.

Шундай кўзли одамлар Бану Асад қабиласида бўлар экан.

Агар улардан бирортаси семиз tuyни кўрганда ёмон кўз билан қараб қўйиб, «Хой қиз, идишни олиб бориб, манавининг гўштидан олиб кел», – деса, tuy

тезда касал бўлиб, йиқилар, эгаси уни сўйиб юборишга мажбур бўлар экан.

Набий алайҳиссалом ўз ҳадиси шарифларида: «Кўз ҳақдир, у туюни қозонга, одамни қабрга киритади», – деганлар.